

შიდა ქართლის რწმუნებული გენერალ გიორგი მაზნიაშვილის მუზეუმში იმყოფებოდა

25 თებერვალი 2021

საბჭოთა ოკუპაციიდან 100 წელი გავიდა. ამ დღესათან დაკავშირებით შიდა ქართლის სახელმწიფო რწმუნებული მამუკა სალარეიშვილი და რწმუნებულის მოადგილე ნუგზარ სამხარაძე კასპის მუნიციპალიტეტში, გენერალ გიორგი მაზნიაშვილის სახლ-მუზეუმში იმყოფებოდნენ. რწმუნებულმა მუზეუმში დაცული ექსპონატები - გენერლის მემორიალური ნივთები, მის მოღვაწეობასთან დაკავშირებული ფოტო და დოკუმენტური მასალა დაათვალიერა.

"დღევანდელი დღე მძიმე და მნიშვნელოვანი დღეა ჩვენი ქვეყნისთვის. დღე, როდესაც ქართველმა პატრიოტებმა თავგანწირვით იბრძოლეს, მიუხედავად იმისა, რომ მაშინ დაემარცხდით, ჩვენი გმირების ბრძოლას უკვალოდ არ ჩაუვლია, დღეს დამოუკიდებელი და თავისუფალი სახელმწიფო გვაქვს. თუმცა კვლავ გვინევს ოკუპაციასთან ბრძოლა, ჩვენი ქვეყნის 20% ოკუპირებულია. ბრძოლას კი ყოველთვის აქვს აზრი და ჩვენ აუცილებლად, მშვიდობიანი გზით მივალწევთ დეოკუპაციას. დღეს დაუმარცხებელი გენერლის, გიორგი მაზნიაშვილის სახლ-მუზეუმში ვიმყოფებით, სწორედ ასეთი გმირების სულისკვეთებაზე დგას ჩვენი ქვეყანა. ქედს ვიხრი ყველა ქართველი გმირის წინაშე, რომელმაც თავი შესწირა საქართველოს დამოუკიდებლობას." - აღნიშნა მამუკა სალარეიშვილმა.

საბჭოთა ოკუპაციის დღესთან დაკავშირებით, როგორც მთელი ქვეყნის მასშტაბით, ისე შიდა ქართლის რეგიონის ყველა ადმინისტრაციულ შენობაზე დროშები დაშვებულია.